

**Suliffissaaleqineq peqqutigalugu pisortanit ikiorsiissutinik pilersuinnermut atatillugu kommunit qanoq ilillutik piumasaqaatinut assigiissumik atortitsinnissaannut kajumissaarnissaannut apeqquteqaat aallaavigalugu Inatsisartuni oqallinnissamik siunnersuut. Innuttaasut suliffissarsiortut assigiimmik pineqarnissaat taamaasilluni qulakkeersinnaajumallugu.**

(Inatsisartunut ilaasortaq, Ruth Heilmann, Siumut)

### **Akissuteqaat**

(Ilaqtariinnermut, Kultureqarnermut, Ilageeqarnermut Naligiissitaanermullu Naalakkersuisoq)

Pisortat ikiorsiissutaat pillugit malittarisassat aqunneqarneranni qulequtaq pingaarutilik pillugu siunnersuummut qujanaq.

Pisortanit ikiorsiissutit pillugit maleruqqusani naliliineq annertuumik atorneqarpoq, tamannalu maleruqqusaniq aqutsiniarnermi immikkut unammilligassaqaartitsivoq. Innuttaasooq ikioqqulluni qinnuteqaraangat, tamatigut nalilerneqartartussaavoq pineqartoq pisortanit ikiorneqarsinnaatitaanersoq, taamaappallu qanoq annertutigisumik ikiorneqarsinnaanersoq. Tamatuma nassataraa pisortanit ikiorsiissutinik aqutsinerup assigiinngitsunik kommunini ingerlanneqaratarsinnaanera; taamaattorli pisortanit ikiorsiissutit pillugit inatsimmi sinaakkutissat iluanni tamanna pisartussaalluni.

Kommunit sakkussatut atorneqarsinnaasooq tassaavoq pisortanit ikiorsiissutit pillugit Inatsisartut peqqussutaannut ilitsersuut kingullermik 2010-mi decemberimi nutarterneqartoq, sulisunut sulinermini pisortanit ikiorsiissutit pillugit maleruqqusat malillugit ingerlatsisunut naatsorsuussaasooq. Ilitsersuut inunnut pisortanit ikiorsiissutinik qinnuteqartunut naleqqiullugu maleruqqusaniq periutsinillu tigussaasumik nassuiaassivoq.

Pisortanit ikiorsiissutit pillugit maleruqqusat kisimik unammilligassaqaarfiuneeq ajorput, aammali meeqqat inuusuttullu pillugit inatsimmut isumaginninnermiluunniit inatsisinut allanut atassuteqarnerat unammilligassaqaarfiugajulluni. Taamaammat Naalakkersuisut ukiuni kingulliunerusuni sulisunik ilinniartitseqqinnerit aalluppaat, tamatumani ilaatigut KANUKOKA-mit kommuninillu qinnuteqartoqarnerata kingorna 2009-mi oktoberimi decemberimilu pisortanit ikiorsiissutit aammalu meeqqat inuusuttullu pillugit inatsit nuna tamakkerlugu marloriarluni pikkorissartitsissutigineqarlutik.

2011-mi maajimi decemberimilu pisortanit ikiorsiissutit aammalu meeqqanut inuusuttunullu inatsisit pillugit Kangerlussuarmi Nuummilu pikkorissartitsisoqarpoq, tamatumani ulloq pikkorissartitsiviusooq ataaseq atorlugu piniartut aalisartullu pisortanit ikiorsiissutinik pissarsisinnaanernut periarfissaat sammineqarlutik. 2011-mi decemberimi meeqqat inuusuttullu pillugit inatsimmut, kiisalu innarluutillit pillugit inatsimmut atatillugu pisortanit ikiorsiissutit pillugit Qaasuitsup Kommuniani pikkorissartitsisoqarpoq.

2012-imi novemberimi Kommune Kujallermi pisortanit ikiorsiissutit pingaarnertut qulequtaralugit pikkorissaasooqassaaq.

Aammattaaq Naalakkersuisoqarfik Isumaginnittoqarfiup aqunneqarnera aaqissuussaanelu pillugit Inatsisartut peqqussutaanni nr. 11, 12. november 2001-imeersumi § 1, imm. 1 naapertorlugu kommunini nakkutilliisussaataavoq. Pisortanit ikiorsiissutit pillugit siunnersorneqarnissaq ilitsersorneqarnissarlu pisariaqartinneqartoq paasineqaraangat pikkorissartinneqarnissamik neqeroorummik nakkutilliinerit taakku aamma ilaqarput.

Naggasiullugu aammattaaq oqaatigineqassaaq suliffissaaleqineq pissutigalugu innuttaasut ikiorneqarnissaminnik pisariaqartitsilerpata, suliffeqarnermi ikiorsiissutit pillugit inatsimmut aallaavittut ilaatinneqassammata. Suliffeqarnermi ikiorsiissutinik pissarsinissamut piunasaqaatit naammassineqarsinnaajunnaarpata pisortanit ikiorsiissutit pillugit inatsit atorneqalissaaq.

Naalakkersuisut taamatut oqaaseqarlutik oqallilluarnissaq qilanaaraat.